

Armùngia. Fundus PNRR po sport e incroimentu sociali



S'amministratzioni guidata de su s'indigu Antonio Quartu, at decìdiu de sfrutai is oportunidades donadas de su PNRR. A pustis de su dinai arribbau po is iscolas, gràtzias a is finantziamentus de is tres lìnias de interventu po sport e inclusioni sociali, su Comune de Armùngia at otentu unu finantziamentu de 21.000 èurus po comporai atretzaduras sportivas po sa

realizatzioni de un'àrea a s'abertu de impreai po is fainas sportivas po pipius, mannus e personis cun disabilidadi. Su logu individuadu, idòneu a is inditus de bandu est un'àrea comunali de 310 metrus quadrus a intru de su parcu birdi de Viali Gramsci a presu de is edifitzius scolàsticus e de unu locali po papai. S'àrea cun matas artas at èssiri impreau po arrimai is atretzaduras sportivas at a essi frunia de totu is servìtziu: luxi, àscua, gabinetus, unu distribudori automàticu de cosa de bufai e de papai, e unu parchègiu cun l'ìnia Wi Fi.

Si tratat de un'òpera chi at a cumpletai s'àrea sportiva de su Comune, at a serbiri non sceti a is abitantis suos, ma fintzas a stràngius e turistas chi ant a arribbai a sa bidde de Emilio Lussu.